

طیبة الأذکار

مكة مکرمه ﴿ ایلله ﴾ مدینه منوره ﴿ نک حال و شان قدسیلری
وسکنه کرامتک عادات حسنه سی حقنه رحاله معتبره در



صاحب و ناشری

حسن تحسین

تکرار طبع و نشری حتی محفوظدر



معارف عمومیہ نظارت جلیله سنک (۶) نومرو و ۳ ذی القعدة سنه ۱۳۱۶
و ۳ مارت سنه ۱۳۱۵ تاریخلی رخصتنامه سیله طبع اولمشدر

منطبعة عامره


۱۳۱۶

مقدمه

اشبو (طیبة الاذکار) نام رساله شریفه نك مندرجائی مدینه طاهره وروضه مطهره نك احوالی و زیارتنه نائل اولان موحدینك تجدد خاطره لرینه مدار اوله جق تعریفات و توصیفاتی شامل و حسن ادا و افاده بی مشتمل اولوب مؤلفی حضرت «سنبل سنان» قدس سره المنان درگاه شریفنده سرذا کران شکاری زاده مرحوم الحاج احمد افندی قوجه مصطفی پاشا جامع شریفی قپوسی قربنده مدفون اولوب اجله اهل کراماتدن اولمغله هر کیمجه قنادیلی ایقاد اولنور برذات عالی قدردر مؤلف و مرتبک ال یازیسيله اولان نسخه سی لطف حق ایله نعم التصادف الده ایدیلهرک مطالعه اولندقده بحق شایان طبع و نشر اولندیغی اکلاشلغله در حال باعرضحال معارف نظارت جلیله سنه تقدیم ایدیلهرک محاسن عصریه حضرت پادشاهیدن اوله رق طبعنه مساعدده و تکرر طبعی ینه سوی عیدانده عائد اولمق اوزره رخصتی عهدده عاجزانده احسان بیورلمغله بو وسیله ایله اولسون برخدمت ممتخره ده بوائمق آرزوسيله و بالجله مؤمنین و موحدینك شوق و تاندینی موجب اولمق املیه طبع و نشر اولندی نسخه ذبنده شوکت و مأخذ جلیل مباحث عدالت و مرحمت

اولان ولى النعمت بى منتمز پادشاه معالى خصلت السلطان ابن السلطان
السلطان الغازى ﴿ عبد الحميد ﴾ خان افندمز حضر تلرني جناب
حق كال تندرستى وعافيتله جله مزه باغشلايوب جميع كدورات
كونيه دن مصون ومحفوظ وسلطنت شاهانه لرنده دائم بيورسون
شرف زيارت حرمين شريفين ايله مسعود اولمش بولنانلره تكرار
وهنوز كيده مامش اولنلره حلال مال ايله كيتمك نصيب وميسر
ايلسون آمين يامعين بحرمة سيد المرسلين





الحمد لله رب العالمين وللصلوة والسلام على سيدنا محمد وعلى
آله واصحابه اجمعين (اما بعد) معلوم اوله كه بو عبد فقير سر
ذاكران قوجه مصطفى پاشا درویش احد پشكاری زاده سایه
اولیاء اللہہ بعناية الله تعالى بيك ايكيوز التي سنه سي مرحوم
ومغفور الى رحمة ربه الغفور ملاحق زاده اسحق افندی حضر
تالينك اوغلي فضيلتو. محمد عطاء الله افندی حضر تارى مدينه
منوره قاضيى اولوب معينده برسنه كاملا مجاور اولفله هر بر
حقيقتنه واصل اولديغم انچون نقل اورؤية واقف اسرارى اولديغم
جهتله قلمه آلوب تحرير ايتدمكه قرائت ايدن قرنداشاريمه عشق
محتى غالب اولوب زيارت شريفنه سعي ايدوب موفق اولنار و كرك
قرائتمه متاد اولوب كثر صلوٰة وسلامه مشغول اولنار بو بيجاره ي
دخى خير ايله ياد ايلارى انچون تفصيلا نقله شروع اولنور جناب
حضرت مولانا قرائت ايدن قرنداشاريمى قريباً اول ديار مقدسك
زيارتيله مسرور ايليه امين بحرمه سيد المرساين

— ﴿﴾ باب وصف حرم شریف مدینہ — ﴿﴾

معلوم اولہ کہ مدینہ طاهرہ حرم شریفنک درت قیوسی
 وارد بری ﴿باب السلام﴾ بری ﴿باب الرحمة﴾ بری ﴿باب النساء﴾
 بری ﴿باب جبریل﴾ ایکی پنجرہ سی وارد بری ﴿جبریل﴾
 دیکری ﴿مواجهہ در﴾ طولاً و عرضاً ایاصوفیدن بیو کدر لکن
 نصفی سقف و نصفی آچیقدر جاہ سی مسجد دندر و درون مسجدہ
 حجرہ شریف بشقہ شیکہ ایله محفوظدر منبر ایله شیکہ پینتہ روضہ
 مطہرہ تہمینہ اولنور سر سعادت لری جانیدر و مواجہہ شریف
 یمن سعادت لری جانیدر و اغالرک اولدینی یرہ تکیہ درلر یسار
 شریف لری جانیدر بونلر درون مسجدن خارج شیکہ در درون
 شیکہ یہ حجرہ شریف تعبیر ایدرلر بومحلہ صاحب فراشت و بعض
 انتسابی اولان کسنہ لر داخل اولور ماعدا حجاج خارج شیکہ
 شریفہ مواجہہ سعادتہ زیارت ایدرلر

محراب درتدر محراب (نبی علیہ السلام) محراب (سلیمان
 علیہ السلام) محراب (عثمان رضی اللہ عنہ) محراب (تہجد
 علیہ السلام) محراب نبی و محراب سلیمانینک یمن و یسار ندہ
 برر قیو وارد مواجہہ شریفہ آچیلور مواجہہ شریف طرفی
 باب السلامن حضورہ و ارنجہ مرمر لکدر باب السلامن
 صولدن مواجہہ سعادت لری نہ و ارنجہ بر بچق زراع بونی اوچ قات

فراشین دولابیله قطع اولمشدر صاع طرفی محراب عثمانی طرفیدر
 نماز قلنورکن حجاج باب السلامدن طوغری مواجهه شریفه
 کیدر لر مانع صلوة اولماز زیرا جاعتک باشلری کورینور طولابلر
 حائلدر اکر جاعت کثرت اوزره ایسه امام محراب عثمانی به دورر
 اولزمان باب السلامدن نماز قلنورکن کسه کیره من محراب نبی
 شبیکه ایله منبریننده در بو محله روضه مطهره دیر لر محراب نبینک
 قیولرنده یازلمشدر که برنده ﴿ما بین قبری و منبری روضه من ریاض
 الجنة﴾ و برنده ﴿من زارنی بعد مماتی فکانما زارنی فی حیاتی﴾
 بو ایکی حدیث شریف یازلمشدر صدق رسول الله محراب سلیمانی
 منبرک اوته طرفنده در ایکی قیوده اوراده واردر برنده ﴿من زار
 قبری و جبت له شفاعتی﴾ حدیث شریفی یازلمشدر صدق رسول الله
 و برنده ﴿وما ارسلناک الا مبشراً و نذیراً﴾ آتی یازلمشدر

صدق الله العظیم مواجهه سعادت اوزرنده (انما الاعمال بالنیات)
 حدیث شریفی یازلمشدر صدق رسول الله التي یوزا و توزیدی قندیلدر
 ایکی یوز یکر می التیسی یا نار باقیسی دورر او چیوز اون ایکی دیر کدر
 ایکیوز یکر می یدیسی بیاغی دیر کدر یکر می یدیسی کاشی دیر کدر
 اللی یدیسی مرمر دیر کدر غایت لطیف اولدی و بومرمر دیر کدر
 روضنده و مواجهه شریفه در کاشیلر اغالر طرفنده در قصوری
 اطرافنده در بش مناره سی واردر جمله سنک اعظمی رئیسیه در
 قیوسی مواجهه قارشودر اذانه اندن بدأ ایدر لر ینه اندن ختم
 ایدر لر

— باب وصف حجره شریف —

معلوم اوله که حجره معطره نك قیوسی در تدربری (باب فاطمه الزهری) بری (باب شامی) بری (باب روضه مطهره) یعنی (باب توبه) (باب وقور) دخی دیرلر بری (باب مواجهه) یعنی (باب اجابه) دخی دیرلر درون شیبیکه یه داخل اولان کسه عرشدن و کرسیدن اشرف یره کیردم دیویمین ایتسه صادقدر زیرا مذاهب اربعه حجره سعادتک ایچی عرش و کرسیدن اعظمدر دیو فتوی و یرمشلدر

یتمش قنبدیل وارد درون شیبیکه ده ینار ایکی کبیر التون شمعدان وارد بری سر سعادتلرنده و بری قدم شریف طرفنده هر کیجه ینار

— باب خدمت حجره شریف —

معلوم اوله که اول هر کون بعد صلوة الصبح تعمیر دیرلر مجاور فراشین و بعض اهل محبت آخر حرم شریفده یاغ خزینه سی دیرلر بریر واردر جمله سی اول محله جمع اولورلر دعادن صکره هر کسک یدینه بر صغیر بقرج و بردسته یاغلی قلیل و یرلر و درت کسه یه دخی برر یال دیزلی ابریق ایله زیت یاغی و یرلر بعده هر کس صلوة

وسلامه اغاز ايله روضه مطهره يه توجه ايتدكلى كى نوبتى اغالر
 مقاملندن قيام ايدوب اللرنده برر اوجى چنكللى عصا فراشينك
 اوكنه دوشوب صلاة وسلام ايدرك قنديللى برر برر انديروب
 فراشلك اوكنه طوتارلر انلر دخى اسكى فیتللى اخذ ویرینه
 جدید قیل وضع ایدوب کچرلر ادای خدمت ایدرلر بعده صلوة
 اشرف قیلوب طاغیلورلر صکره کناسلر کلورلر حرم شریفی سپورمکه
 باشلارلر اغالر کلور قائماً منتظر ایکن حجره معطرده که تعمیر تمام
 اولدیغی کی یا کناس دیو ندا ایدرلر جله سی بردن داخل حجره
 شریف اولوب توحید ایدرك سوپورلر بعده جله اغالر کلوب
 علی مراتبهم قائماً منتظر اولورلر اگر ایچلرنده نجزم وار ایسه
 ضابطی اوکنه کتورلر بر مقدار نصیحتدن صکره دکنک امر ایدر
 اوساعت ایکی کشی طوته رق موم خزینه سی واردر حضوره
 قارشو انک ایچنه کتورب فلقدیه قورلر اغالر قپو طشره سنده قیاماً
 دورلر دعا اولور بعده کلمه شهادت ايله ضرب ایتمکه باشلارلر اهل
 جرم امان یارسول الله صلی علی النبی دیو فریاد ایدر اگر بر کیسه
 رجا ایدر سه قبول ایدر ایتمزسه فاتحه اولنجیه قدر ضرب ایدرلر
 بعده اوکون نوبتی اولان اغالر اصحاب صفه قارشو محانده حضوره
 قارشو قعود ایدرلر ماباقیسی برر برر کلوب محراب تهجد یمینده
 بردیرک واردر برکره صرتی اوروب اسکیلرینک الینی اویوب
 نتمده کیدرلر بوارکانه دستور تعمیر اولور

بَابُ خِدْمَتِ لَيْلٍ وَأَدَابِ إِتْقَادِ قَنَادِيلٍ

معلوم اوله که اقشامه یارم ساعت قانجه جله فراشین واهل محبت بر بول یکلی خرقه کیوب بلندن برشی^۱ ایله باغلا یوب حاضر و آماده اولور لر اون دقیقده قانجه موقت محفل التندن تعین اولنان فراشه اشارت ایدوب اودخی یرندن حرکت ایدوب منتظر اولان فراشینده بلند آواز ایله بر کره بسم الله دیوندا ایدنجه جله سی بردن سرعتله شیخ الحرمک اوکنه واروب حضوره قارشو قائمادور لر شیخ الفراشین کلوب دعا ایدر بعد الفاتحه موم حجره سندن ایکی کبیر التون شمعدان ایله بالموملرینی برینی شیخ الحرمه و برینی نائب الحرمه و یروب آداب تعظیم ایله حجره سعادتده ادخال ایدوب برینی سر سعادتلرینه و برینی قدم شریفلرینه وضع ایدوب عتبه سعادتده یوز سورب صلوة و سلام ایدرک طشره چقارکن ایققاد قنادیل ایچون ایکی کسه اللرینه برراوجی اگری شمعده ویر لر و برده حلواجی کلاهی کبی باقر دن دوکمه برشی ویر لر که شمعده ایچنه طوتوب یره طمله ماسیچون بری یمین شریفندن و بری یسار سعادتندن داخل اولوب صلوة و سلام ایدرک تعظیم ایله ادای خدمت ایدنجه طشره قندلرینی باقی فراشینلر تکمیل ایدر لر بعده اذان شریف باشلر و بعده اداء صلوة هر کس محللرینه کیدر

﴿﴾ باب خدمت عشا ﴿﴾

معلوم اوله که بعد صلوة العشا جماعت کیتد کد نصکره جمله اغالر اللرینه برر کویه کی فناری الوب هر بری بررتک اوله رق کوشه کوشه حرم شریفی کزه رک باب السلامه کلوب قاپار لر اکر ایچروده بر کسه کورسه لر بسم الله دیو خطاب ایدوب طشره چیقار لر زیرا حرم شریفده دنیا کلامی اولمز اکر حجره شریفده اولورسه ﴿لااله الا الله﴾ دیو خطاب ایدر لر بومنوال اوزره قیولری سد ایدرب باب الرحه اوکنه جمع اولوب حضوره قارشو متوجه اولوب ایچندن بریسی بلند اواز ایله بر کره صلوة وسلام ایدوب جمله سی بردن بر کلبنک محمدی چکر لر که انسانک هر بر موی ائوابندن اوق کبی طشره چیقوب قلبی طاشدن اولسه یاغ کبی اریر اویله مهابتلودر که بروجهله طاقت کلز بعده هر کس محلرینه کیدوب یاتور لر لکن ایچیقلاق اولان یرکه باب النساء اوکنده میداندر حضوره قارشو انده یاتور لر برر چادر کبی بزدن شیرلی واردر باشلرینی روضه مطهره یه ویروب عمامه لرینی چادرک تپه سنه قویوب نصفی چادرالتنده ونصفی طشره ده اویله وحدت ایدر لر بر کیمسه طشره دن کورسه شویله ظن ایدر که صاف صاف قیامده طور لر کبی کورینور زیرا قاقولری چادرک تپه سننده اولغله هر بری قائم کبی کورینور وقتا که طلوع الشمسه اوچ ساعت قاله رئیس مؤذن قپو خارچنده بر کره ﴿لااله الا الله﴾ دیو ندا ایدر ایچرودن نوبتچیلر اکاه اولوب

(محمد رسول الله) دیوندا ایدر لر قتح باب ایدر لر بعد مؤذن کلوب حضورده مناره قپوسی اوکنده مواجهه په قارشو دوروب تعظیم عشقله بر کره صلوة ایدوب فاتحه دن صکره مناره په کیدر هذا صلوة

اللَّهُمَّ صَلِّ وَسَلِّمْ وَزِدْ وَأَنْعِمْ وَبَارِكْ عَلَى أَسْعَدِ الْعَرَبِ وَالْعَجْمِ
وَإِمَامِ الطَّيِّبَةِ وَالْحَرَمِ سَيِّدِنَا وَمَوْلَانَا مُحَمَّدٍ وَعَلَى آلِ سَيِّدِنَا
مُحَمَّدٍ وَسَلِّمْ وَرَضِيَ اللَّهُ تَعَالَى عَنْ كُلِّ الصَّحَابَةِ أَجْمَعِينَ

الفاتحه دیوندا ایدر بوکا دستور الموق تعییر اولنور بعده مناره ده تسبیح وتهلیله باشلار هرکس خانه لرنده بیدار اولوب بعدالتسبیح بر اذان دخی او قورکه ایلك اذان دیر لر اول انده جمیع اهل بلده حتی صبیانه وارنجه مسجد شریفه حاضر اولور لر کیمی تلاوت کیمی صلات و کیمی توحید ایدر کیمی بکا ایدر بر مهابت و بر ایکتی و بر حالت در که بروجهله تعییره کلز بعد الاذان مؤذن صلوته باشلار چاق فجر طلوع ایدنجه فجر طلوع ایتدیکی کبی بر اذان دخی او قورکه اکا وقت اذانی دیر لر صکره مؤذن اینوب تکرار حضورده بر فاتحه ایتدیکی کبی جله جماعت سنته شروع ایدر لر بعده قامت اولوب شافعی قیلار زیرا شافعی جله دن اول قیلار حتی حنی ایله بینی بر ساعت دن زیاده فرق ایدر شافعی سلام ویردیکی کبی درس لر باشلر و مکتبلر و حفظه سعی ایدنلر اولوقت او قور لر وقت حنی اولدینی کبی اغار طرفندن صلا دیوندا ایدر لر بعده قامت اولور نمازی قیلار لر

ودخی بش مناره سی وارد هرمناره نك یدیشر مؤذنی وارد
 جله سی اوتوز بش مؤذندر کیناس وارد یعنی قیوم. دیکدر
 وظیفه لی امام حنفی یکر می بشدر

امام شافعی اون ایکی خطیب حنفی یکر می خطیب شافعی اون
 خطیب مالکی بر خطیب حنبلی بر جله سی مؤظفدر اوقات خسه
 ایکی محرابده قلنور بری محراب تی بری محراب سلیمانی برنده
 شافعی برنده حنفی قیلار لکن نوبتله قیلارلر محراب نئیده برکون
 شافعی برکون حنفی قیلار محراب سلیمانیده کذلک محراب عثمانیده
 حجوقتی ومعراجده قیلارلر زیرا اولوقت جماعت کثیر اولدیغیچون
 بویله در جناب مولا قراءت ایدوب استماع ایدن قرنده شرایمی قریباً
 زیارتیه مسرور ایلده آمین

— ❦ — باب غسل حجره سعادت ❦ —

معلوم اولدکه حجره سعادت سنهده اوچ دفعه غسل اولنور
 بریسی ربیع الاولینک طقوزنده بریسی رجب شریفک یکر می
 برنده بریسی ذی القعدة نك اون سکزنده برکون قندیالری وبر
 کون حجره شریفی غسل ایدرلر (رسم غسل حجره شریف) معلوم
 اولدکه اولا حجره شریفک اغالر طرفنده اولان باب شامی تعبیر
 اولنان، قیوی کشاد ایدوب اغالر اوچ بلوک اولوب غسل ایدرلر
 بر بلوکلک سکین رسمنده تیمورلر ایله قازیمه رق وبر بلوکی خورما

دالندن سوپررکه ایله ووصو ایله غسل ایدرکه و بر بلوکی کبیر
 سونکرلر ایله سیله رک صف بر بزی اردنجه آداب ایله
 غسل تمام اولدقده حاصل اولان ماء غسلی خارج حجره شریفده
 موجود اولان اهل محبت شکر شرتی کبی نوش ایدوب یوزینه
 کوزینه سوردکن صکره خادم حجره شریف اغاری بهض اهل
 محبتہ واعیان و اشراف بلدهیه هدیه کتوروب عظیم بخشیشلر و کلی
 منفعتلر حاصل اولور منوال مشروح اوزره غسل اولورکن جمله سی
 بر اغزند بلند آواز ایله ﴿ لا اله الا الله محمد رسول الله ﴾ دیوذرکه
 باشلارلر و طشرده اولان زوار بر اغزند صلوة و سلامه باشلارلر
 حرم شریفک ایچی برحالت کسب ایدرکه جمله حضار مجلسک
 وجودلرینسه لرزنک ایله رعشه کلوب کوزلرندن یغمورکبی یاش
 اقعہ باشلار برمهابت و بردهشت و برصفای روحانیدرکه تقریری
 ممکن دکادر رؤیتہ محتاجدر همان الله تعالی جمله بی اول ذوقله
 ذوقیاب ایلیه امین

باب عدد اغا و خادم سلطان انیا

معلوم اوله که خادم رسول الله سکسان اغادر قرقی عجبدر
 یعنی بطال تعبیر اولور قرقی دخی خبزی درلر اهل خدمتدر اکو
 خبزیدن بری کیدرسه بطالدر برینی یرینه ادخال ایدرلر مذکور
 خبزی تعبیر اولن ان قرق اغانک اون التیسی بواب نبی علیه

السلامدر و بو بوابه شیخ الحرم دخی داخلدر ودخی بو اون التی بوابک دردی ضابطدر و یول ایله اولور لر نائب الحرم مستسلم حرم خزینه دار حرم نقیب حرم و بو اون التی بواب نوبتله کیجده دردر کشی حجره شریفه خدمت ایدر لر برکون وبر کیجه هر نه فتوحات اولور سه نوبتجه اغالر کدر اکا کیسه قاریشمز حتی شیخ الحرم دخی انلرک بریدر لکن بودرت ضابط ایچنده یول ایله اولور اما شیخ الحرم بشقه طشره دن کلور ادا ب و ارکانسه هیچ سوز اولماز بودرت بواب نبیدن غیر ی اولان اغالرک کرک عجمیدن و کرک خبزیدن کل یوم یکر می بش اغا اصحاب صفه مقامنده ایکی دیز اوزرینه حضوره متوجه اوتور ب کیمی تلاوت کیمی ذکر ایله مشغول اولور غایت مبارک آدم لدر در لیل ونهار انلرک دعا و محبتی اوزر منه لازمدر الله تعالی محبتلریله قلبیزی املا ایلیه آمین

باب عدد فراشیت شریف فی الاصل

معلوم اوله که ابتدا وضع اولنان فراشیت هر بر فراشیت یکر می دردر قیراط اولمق اوزره یوز قرق فراشیتدر بو یوز قرقدن بریسی یکر می درت قیراط اوله رق تحت پادشاهی یه باغلیدر و نصف فراشیت که اون ایکی قیراط شریف مکّه یه باغلیدر و ربع فراشیت که التی قیراط حجره سه مادته فراشله باغلیدر و ربع اخری اولان التی قیراط نقیب فراشه باغلیدر ما باقیسنک هر بر

قبراطی التیشریدیشرسکزر فراشیت اوله رقی اوچ بشیک فراشیت
اولوب تکثر ایتشدر هر کس بودولت ایله شرفیاب اولسی ایچون
دولت علیه بویله مراد ایتشدر جناب مولا بحرمت النبی علیه السلام
بودولت علیه بی نهایته الدوران ایقا ایلیه آمین

بَاب قَاعِدَه جَمْعِه وَاَدَاءُ صَلَوَاتِهِ

معلوم اوله که جمعه کونی اذانه بر ساعت قاله رقی مؤذنلر مناره لرده
صلوة وسلامه باشلارلر اهل بلده جمله سی فوج فوج مسجدده حاضر
اولوب حضوره قارشو کیمی صلوة و کیمی تلاوت و کیمی ذکر تسبیح
وتهليلة مشغول اولورلر و محفله دور خوان مقامنده برر مؤذن
نوبتله قائما حضوره قارشو بلند اواز ایله ﴿ الصلوة والسلام عليك
یا رسول الله ﴾ دیو فریاد ایدرلر چا اذان تقرب ایدنجه وقتا که وقت
دخول ایدر جمله مناره لردن اذان محمدی یه باشلقلری کبی جماعت
سننه شروع ایدرلر اذانلر تمام اولنجه هر کس سنتی قیلوب تمام ایدوب
حاضر اولورلر اذان بیتدیکی کبی خطیب افندی حضور سعادتده
افندمندن دستور آلوب اوچ آیت کریمه وان الله آیتنی قراءت
ایدرکن منبر شریفه تعیین اولان اغالردن بریسی کمال آداب و تعظیم
ایله کلوب منبر شریفک پرده سنی رفع ایدوب قپوسنی آچار و عین
ویسارنده اولان عملری کشاد ایدوب منتظر ایکن محفلدن مؤذنلر
صلوة وسلامه باشلارلر برده اولوقت خطیب افندی حضور

سعادتمند منبر شریفه توجهنده اوکنده بر الی عصالی چوربه جی
 و برده مؤذن منبر تعبیر اولنور بر ذات النده قلمج و بویننده
 ردابعده خطیب باشنی شال پوشیده ایتش اغراض آداب ایله
 کلوب منبر قپوسندن کیروب بر قاقچ قدمه فوئنده فعود ایدر بعده
 محفله حاضر اولان مؤذنلر جمله سی بر دن قیام ایدوب دورر لر
 خطیب افندی نیک اوکنده کلان مؤذن منبر قپوسنده خطیب افندی یه
 دونوب منبر قپوسی اوکنده بر کره الله اکبر الله اکبر دیو اذانه
 باشلدیغی کبی محفله حاضر اولان مؤذنلر جمله سی بر اغئردن
 الله اکبر الله اکبر دیو بر اذانه ده انلر باشلار بر اشاغیدن و بر یوقار یدن
 بو اسلوب اوزره تمام ایدر لر بعده باش مؤذن لغو حقیقده اولان
 حدیث شریفی قراءت ایدوب سکوت ایدر لر هذا حدیث شریفه
 عن ابی هریره رضی الله تعالی عنه انه قال قال النبی صلی الله علیه وسلم
 (إِذَا قُلْتَ لِصَاحِبِكَ يَوْمَ الْجُمُعَةِ أَنْصِتْ وَالْإِمَامُ يَخْطُبُ

فَمَدُّ لَفَوْتِ صَدَقَ رَسُولُ اللَّهِ) بعده خطبئه شریفی قرائتسه
 باشلار مؤذنلر ترضیه و تصلیه الوزلر بعده جهور ایله تکبیر
 الوزلر بعد السلام یارب اغفر الوزلر آیه الکرسی و تسبیحات
 و آمین جهر ایله در حتی قبل الدعاء یالطیف یا کافی اوقور لر اما
 جمعه یه مخصوصدر سائر اوقانده تکبیردن ما عدا سی خفیدر
 لکن بو مجالس بر مجلسدر که هر کس کندودن کچر بر ذوق
 روحاندر که قاله کلز رؤیتد محتاجدر حتی اهل بلده بیننده اوله

مشهور در که علیه الصلوة والسلام بلا تکلیف حظاً اوقات خسه ده
 بجاعته حاضر اولور لر دیو علماسی اتفاق ایدیور لر زیرا بزم ایمانمز
 افندمن علیه الصلوة والسلام حی فی قبره در دیو اعتقاد ایتمکر
 دیر لر او یله اولدینی کبی بر کره تفکر ایله بو عالمه کادک بونجه
 سنه عمر افنا ایتدک فکر و معاش طول ایل ایله اصرار وقت
 ایتدک کیتیه جک و سنی ترک ایده جک شیلرک محبتیه
 بر ایشده اولدنگه دولت سرمدک مال و اولادک سکا نفع
 ویرمدیکی وقتکه وقت حالت نزعدر کیمسه حالندن بیلز و کیمسه
 سکا مددرس اوله من ایشته او اوقته دستگیر من اولان
 رسول اکرم ونبی محترم صلی الله علیه وسلم افندمنک زیارت
 شریفنه بر طریق ایله موفق اولماق کشی یه غایت بیوک الم و بوندن
 اشد برغم اولور می نیجه بر غفلت نیجه بر غیره محبت (فداک ابی
 و امی و مالی و اولادی و زوجی) دکلمیدر (سن همان کیر یوله الله
 ولی التوفیق) مضمونی اوزره سعی ایت بر کون اول مقامد یوز
 سوروب اول بجاعته حاضر اوله کور که بر جاعته صفک باشندن
 اون سکنز بیکءالمک فخری محمد المعطفی صلی الله علیه وسلم افندمن
 اوله و بر یرده سجده ایده جکسک که (رَوْضَةٌ مِنْ رِیَاضِ الْجَنَّةِ)
 اوله او کیمسه نک دنیا و آخرتی معمور اولمازده کیمک اولور حتی
 علمای مدینه بر مرده عظیمه دخی ایدیور لر که (مَنْ زَارَ قَبْرِي
 وَجَبَتْ لَهُ شَفَاعَتِي) حدیث شریفنده که وجبت له ده مرده

عظیمه واردر افندمرك شفاعتی اهل ایمانه واجبدر اویله اولنجه
 بنم قبر شریفمی زیارت ایدن اتمم البت ایمان ایله کیدر دیمک اولور
 مخبر صادق الواعد الامیندر سوء خاتمندن امین اولمقلق
 مزده عظیمه دکمیدر والله العظیم هرکیم نیت خالصه ایله توجه
 ایدرسه فقیر ایسه غنی اولور مریض ایسه شفا بولور مجرم ایسه
 مغفور و کوچ ایشلری آسان اولور ذلیل عزیز اولور هر آرزوسی
 حاصل اولور همان جناب مولا بورساله بی عشقله قرائت ایدن
 قرنداشلیریمه عشق محمدی بی احسان ایدوب کرمندن هر برینی
 اوسعادتیه مظهر ایلیه آمین و بو بیچاره بی دخی خیر ایله یاد ایدنلره
 رؤیت جالیله اکرام ایلیه آمین بو فقیرک مرامی انجق دین
 قرنداشلیریمی تشویق ایله ادای فریضه ایدوب ادا ایتمانلر حتمنده
 اولان حدیث شریفلرک تهیدندن خلاص بولوب اهل مغفرت
 زمره سنه ادخال اولملری نیازنده بورساله بی تحریره شروع ایتدم
 جناب مولا تأثیرینی خلق ایدوب جمله امت محمد ایله بر بیچاره بی
 دخی ایکی جهانده مسرور و نیتله مأجور ایلیه آمین بحرمة
 سید المرسلین

باب رسم مولود شریف

معلوم اوله که لیلته مولودی بعد الاحیا صباح نمازندنصکره که
 اون ایکنجی کوندر باب النساء اوکنده میدانده برکرسی قورلر
 مواجهه قارشوسیدر و جمله اشراف مدینه وقاضی بلده شیخ الحرم

وسائر اغار وضابطان علی مراتبہم اوتورورلر زوار اطرافنہ جمع
 اوادرلر عود و عنبرلر آسمانہ پیوستہ ونشر کلاب ایلہ حرم
 شریفک ایچی عطرناک اولدقده خطبادن بش کیسہ نوبتلہ
 کرسی یه چیقوب عربی مولود شریف قرائت اولنور دعادن صکرہ
 شربتلر ایچیلور هرکس اولرینہ کیدر طلوع شمسدن قوشلق
 وقتنہ دک تمام اولور اوکون دکانلر آچماز ودرسلر اوقونمز
 وبرکسنہ ایشیلہ مشغول اولماز طوپلر آتارلر وشنلکلر ایدرلر
 صغیر وکبیر لباس فاخرہ کیوب بربریلہ معایده ایدرلر اوکونہ
 غایت اعتبار وتعظیم ایدرلر اهل بلده بیننده عید اکبر بودر دیو
 اعتبار ایدرلر زیرا بوکونده فخر عالم (محمد مصطفیٰ علیہ الصلوٰۃ
 والسلام) افندمزک دنیای تشریفلری کونیدرکہ عالم یکیدن جان
 بولدی جهان نورایله منور اولدی سائرلیالی مبارکہ رمضان بیرام
 حج و قربان جله سی آنک حرمتنه احسان اولندی وقرآن عظیم
 آنک شاننه نازل اولدی او یله ذات عالی قدرک تشریفی کونی
 عید اکبر اولزده نه اولور اول کونده جمیع ایشدن بری اولوب
 اظهار سرور ایتک جله اهل ایمانہ فرض کییدر دیو هرکس
 ذوق و صفا ایدرلر قبیلہ عربده غایت اعمال حسنہ دندر الله
 جله مزک قلبنده عشق محمدی بی مزداد ایلیہ آمین

باب رسم رجب شریف

معلوم اوله که رجب شریفک اون ایکنجی کیجه سی اهل مدینه

حضرت (سیدنا خزہ) رضی اللہ عنہ حضرت تلمینہ جمع اولورلر
(مدینہ منورہ یہ) بریحق ساعت جبل احد قربندہ مستقل تربہ
شریفہ لری واردر اطرافی شہدا ایله مملودر شہید اولان دندان
سعادت دخی اندہ در تحویل قبلہ اولان چفتہ محراب اول محله
قربندر اطرافنہ چادرلر قوروب صباحہ قدر شناکلا ایدوب
دعالر ایدرلر کرک شہردہ کرک اطرافندہ موجود صبیان اول
کیجه فشکر آتوب حجاج مسلینہ وصرہ یہ سلامتیمچون دعا ایدرلر
او کون استانہ علیہ دن صرہ اسکدارہ کچر برکوزل عادتدر اللہ
جہلہ مزنی اول مجلسہ داخل ایلید آمین ودخی معلوم اولہ کہ ماہ
مزبورک یکریمی اوچندہ رجبیہ دیرلر قبیلہ عربدن کروہ کروہ
کلمکہ باشلازلر اوچ کون اوچ کیجه بر جمعیت اولورکہ حج وقتندن
چوق زیادہ اولور حتی کرک درون قلعه وکرک حرم شریفک
ایچی آدم دریاسی اولورکہ ایکل ایکل ایکلر وبونلر بررتبہ
عاشقکہ وصفہ کلز وبونلر اهل بلدہ رکاب تعبیر ایدرلر جہلہ سی
هجینلر ایله کلورلر اولاد و عیاللری یانلرنده و نفقہ لری یانلرنده کیمی
یندن و کیمی مکدن و کیمی طائفدن و کیمی شرقدن و کیمی ینبوعدن
عوالمدن قبادن فوج فوج شیخلر قبیلہ قبیلہ یوزلری توزایله ملمع
کوزلرندن یغور کبی یاش آقدرق قصائد او قویہ رق (الصلوة والسلام
علیک یا شفیع المذنبین یا رسول اللہ الامان) دیو فریاد و فغان
ایدرک حرم شریفہ داخل او اوب یوزلرینی سورہ رک حضورہ
واروب عقبہ سعادتہ صاریاوب بر مرتبہ بکا ایدرلر کہ انسان تمہل